

ONDORIO NAGUSIAK

Iraunkortasuna eta garapen iraunkorra kontzeptu ezagunak dira Bizkaiko biztanleen zati handi batentzat; hala ere, talde batzuek gabezia handiak dituzte kontzeptu horien ulermenean eta ezagutzan.

Bizkaia 21 Programan eta Iraunkoratasunean Hezteko Ekintza Egitasmoan aurreikusitako baliabideek arrakasta izaten ari dira. Hala ere, lanean jarraitu beharra dago talde esanguratsu batekin.

Iraunkortasuna terminoa ezagutzen dutenek uste dute garapenak orekatua izan behar duela, eta ingurumena eta hurrengo belaunaldien beharrak errespetatu behar dituela. Terminoa ezagutzen ez dutenek hazkunde ekonomiko iraunkorrarekin lotzen dute garapen iraunkorra.

Iraunkortasunaren kulturak Bizkaian izan duen aurrerapenari buruzko pertzepzioa

Garapen ekonomikoa, garapen soziala -oinarrizko zerbitzuak biztanleen eskura izatea- eta ingurumenaren babesa dira bizi-kalitatearen alderdi funtsezkoenak. Garapen iraunkorrak biztanleek bizi-kalitateaz duten ikuskera osatzen du.

Ingurune naturalaren babesa garapen prozesuaren mugatzaile gisa ageri da. Garapen ekonomikoari ñabardurak egiten zaizkio beti: ingurumenean duen eragina gutxitu beharra, batetik, eta parte-hartze sozialaren bidez adierazitako behar kolektiboak asetzerantz bideratu beharra, bestetik.

Oro har, Bizkaian bizi-kalitatea hobetu egin dela uste da; dena den, pertzepzio horri azken bi urteotako bilakaera ekonomiko negatiboa eransten zaio, eta zalantza-sentimendua sortzen da etorkizunari begira. Okerrera egin duten arloak, berriz, hirigintzaren hazkunde azkarra eta azpiegitura handiek baso eta mendietan duten eragin negatiboa dira. Etorkizunari begira, kexa-iturri diren arrazoi nagusiak iraunkortasunaren arloan garatu beharreko oinarriak izan daitezke.

Biztanle gehienek ustez, Aldundia eta udalak izan dira bizi-kalitatea hobetzen gehien lagundu duten erakundeak.